



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Qvæstio IV. In Titulum IV. Ne Prælati Vices Suas, Vel Ecclesias, Sub Annuo
Censu Concedant.

[urn:nbn:de:hbz:466:1-73064](#)

QVÆSTIO IV.

IN TITULUM IV. NE PRÆLATI VICES SUAS, VEL ECCLESIAS, SUB ANNUO CEN- SU CONCEDANT.

595 **D**Uplex quæstio continetur in hoc titulo, 1. Est, an Prælati licet, sub anno censu, vices suas, hoc est, *jurisdictionem suam* alicui concedere possint? Secundo an proventus Ecclesiasticorum, sub onere censū annui, locari possint? Subjungitur titulus iste priori, tanquam ejus appendix, utpote continens aliquam etiam speciem Simoniae.

ARTICULUS I.

*An Prælatus Ecclesiasticus, sub anno censu,
licet jurisdictionem suam concedere
possit?*

596 **R**esponsio est negativa ex c. 2. & 3. h. t. ubi in postremo sic loquitur Alexander III. Quoniam *enormis consuetudo in quibusdam locis, contra SS. Patrum institutiones invaluit, ut sub anno censu (seu pretio) Sacerdotes ad Ecclesiasticorum Regimen statuantur* (v.g. ut sint Decani, Archipresbyteri, Archidiaconi, vel ut agant vices Episcoporum in terminandis causis Ecclesiasticis) *ne id fiat, omnibus modis prohibemus &c.* Idem etiam habetur in Tridentino. Sess. 2. 5. de Reformation. c. 11. ibi: *non licet, etiam jurisdictiones Ecclesiasticas, seu facultates nominandi, aut depurandi Vicarios in Spiritualibus, locare; ne conductoribus per se, aut alios exercere &c.*

597 Ex hoc coll. 1. nulli Prælato Ecclesiastico licere, *vices*, hoc est *jurisdictionem suam*, quam habet ab Ecclesia, sub anno *sensu*, seu *pensione*, alteri concedere, ut constat ex c. 1. & 3. h. t. Coll. 2. Simoniacum esse Episcopum, vel Prælatum Ecclesiasticum illum, qui (recepto pretio) alteri suam jurisdictionem commitit, Barbos. in c. 1. h. t. n. 2. Sic enim vendit spirituale pro aliquo temporali. Coll. 3. Vicarium non esse Simoniacum, qui ab Episcopo, vel

alio Prælato constituitur, & recipit salarium laboris, pro sustentatione. Azor. Instit. moral. p. 3. l. 12. c. 14. q. 1. Nam accipere sustentationem, ex naturali justitia debetur ei, qui servit alteri, ut diximus præcedenti titulo. Ad quæstionem autem cur Episcopus, alteri, pretio accepto, committens vices suas, sit Simoniacus? non autem Vicarius recipiens pretium ab illo? respondet Panormitanus hic, discrimen esse; quia Vicarius constitutus recipit *premium sui laboris*, cum Episcopo locet suas operas, & nullo jure cogatur gratis servire. c. cum ex offici. De præscript. at vero Episcopus committens alicui suam jurisdictionem accepto pretio, vendit illi suam potestatem spiritualem.

Coll. 4. Eum, qui dedit pecuniam, 598 ut spiritualem jurisdictionem exerceat (v. g. ut *constitueretur Vicarius*) privari suo officio c. 1. h. t. & quidem *ipso jure* juxta Barbos. cit. n. 3. contra Vallensem hic n. 1. & eum, qui ei suam jurisdictionem confert, amplius conferte non posse, & canonice puniri debere, ut dicitur cit. c. 1. h. t. rectè tamen sustinetur doctrina Vallensis, qui docet Vicarium in dato casu *privandum* Vicariatu sic acquisito, quia c. 2. h. t. expresse dicitur: *removeatur*. Unde ly *amitterat* in c. 1. refertur *ad eum, qui taliter confert vicariatum*. Coll. 5. Quod Prælati, jurisdictionem suam, etiam *temporalem*, quam habent ab Ecclesia, pretio concedentes alteri, simoniaci sint; quod universaliter procedit, si aliquid exigant pro illis actibus, quos gratis praestare debent ratione sui officii; ita Suarez l. 4. Simon. c. 20. n. 19. Coll. 6. Vicarios, Decanos, Archidiaconos, & similes, qui dant aliquid temporale, pro acquirenda jurisdictione, ac potestate Ecclesiastica, competente tali officio, vel muneri, non tantum simoniacos esse, sed etiam officio sic acquisito; locantes autem pro pecunia ejus-

ejusmodi officium, potestate illud conferendi, privandos esse, ut expresse dicitur
c. 2. h. t.

ARTICULUS II.

An fructus, & obventiones Ecclesiarum licet locari, & conduci possint pro annuo censu?

599 **R** Esp. posse ad breve tempus, ut dicitur c. querelam 3. h. t. ubi, qui Ecclesiam sub anno censu locavit ad septennium; ante lapsum temporis locatorum removens, dictam Ecclesiam eidem restituere jubetur, secundum datam fidem, illud autem breve tempus, jure antiquo sicut septennium, ut constat ex cit. c. ibi: ad annum censum tenendum per septennium; vel saltem non ultra novennium: Hodie autem hoc tempus restrictum est ad triennium, & non ultra, per Extravag. ambitiose, de rebus Eccles. alien, vel non alien, inter commun. ubi ea usu recepta est. Circa presentem materiam quæstio est 1. an prohibito per textum cit. Extravagantis, quæ prohibit locationem ultra triennium, cadat solum super locationem rerum Ecclesie, aut beneficii (ut sunt fundi, prædia) vel etiam fructuum, & obventionum merè temporium? multi apud Barbos. in cit. c. querelam, n. 2. affirmant primum, nimirum, quod cadat solum super locationem rerum. Verum juri conformius est, cadere super locationem rerum, bonorum Ecclesiasticorum, & fructuum, quæ rei Dominium transfertur; cum Extravagans cit. postquam nominasset bona immobilia, & mobilia pretiosa, expresse loquatur de locatione omnium rerum, & bonorum Ecclesiasticorum, nihil (ne quidem excipiens fructus) nisi quæ pro temporis exigentia servando servari non possint, vel sint bona, quorum alienatio in certis casibus est jure permis- sa.

600 Alii porrò censem in hac locatione fructuum, & obventionum posse considerari, vel jus percipiendi fructus; vel solum commoditatem; & primum volunt omnino cadere sub prohibitionem (nam illud jus fundatur in titulo Spirituali) non autem commoditatem. In quo autem sita sit hæc commoditas? non explicant. Dici tamen potest, consistere in hoc, quod, cum sèpè non nisi molestis expensis pro cultura, & incommodis, ob locorum distantiam,

Monasterium, vel beneficiatus possit percipere fructus ex re, vel fundo suo, conveniat cum altero, ut ipse suis expensis fundum colat, & labore, ac inde fructus non suo conductoris, sed locatoris nomine percipiat, ac ex illis in tres v. g. partes divisis, unam tertiam pro labore; alteram pro expensis habeat; tertiam vero locatori pendat, in quo appareat commoditas cuiusque. Hinc isti dicunt, beneficiarius posse locare fructus sui beneficii, etiam ultra triennium pro censu anno; imò ad dies vitæ sic, ut in conductorem, seu, locatorum transferatur sola commoditas fructuum, non autem jus, seu utile dominium; nam Extravagans cit. expresse loquitur de locatione, per quam Dominium transferatur; id quod probabile censem Pirhing. h. t. n. 6. quamquam fateatur oppositum conformius juri; sed contrarium jam in multis provinciis per usum obtinuit.

ARTICULUS III.

An Successor in Ecclesia, vel beneficio teneatur stare locationi ab Antecessore facta?

Affirmativa videtur decisa in c. querelam 3. h. t. ubi ad Pontificem querelam detulit quidam Guilielmus, quod, cum sibi, quedam Ecclesia, per ejus Rectorem locata esset usque ad septennium pro pensione annua, præstata simul fide, ab illo Rectore, quod illi intra hoc tempus nullam injuriam, vel gravamen super ea Ecclesia illatus erat, postea tamen ante unius anni spatium, Ecclesiam auferre præsumperit; ad hanc querelam responderet Alexander III. mandando Episcopo Exoniensi, ut, si ita esse constiterit, Rectorem illum compellat, ut præfamat Ecclesiam, dicto G. restituat, & usque ad tempus constitutum, prout inter eos convenit, ipsam eandem Ecclesiam permittat possidere. Ex hac resolutione quidam, ad quæstionem propositam, respondent *affirmativè*, quod quidem verum est 4. conditionibus concurrentibus, 1. si locatio facta sit nomine Ecclesie, 2. si in hujus utilitatem 3. si census locationis in ejusdem commodum convertatur. 4. Quod locatio facta sit cum debita juris solennitate. Sic Gloss. in cit. c. querelam V. Terminus; Covarr. l. 2. Variat. c. 15. n. 6. Marta de jurisdic. p. 4. casu 98. n. 8. Quaranta in summa Bullarii V. Alienatio n. 19. Ex hoc

602 Ex hoc coll. nec Prælatum, nec ali-
um Beneficiarium Successorem in Ecclesia,
vel beneficio teneri stare locationi, vel con-
ductioni Prædecessoris, si hic *nomine pro-
prio* locavit Ecclesia, vel beneficii sui fru-
ctus, aut obventiones, *in suam locantis u-
tilitatem*; quia per commodum suum, eā
locatione quæsitum, non debet præjudi-
care successori: hoc tamen limitatur 1. nisi
locasset cum licentia Papæ, & clausula, ne
durante tali tempore Conductor moleste-
tur etiam à successoribus. Sic Quaranta
cit. n. 39. deinde, nisi aliud habeat loci con-
suetudo. Sic Aloys. Riccius in Collect.
decis. p. 4. collect. 1007. & 1055. Tertio
nisi annus locationis jam esset cœptus, fa-
ctaque impensa necessaria, saltem magnâ
parte, ut si terræ jam essent factæ. Sic Bonac-
cin. de contract. d. 3. q. 7. p. ult. n. 10. Pia-
secius in Praxi nova Episcop. p. 2. c. 5. n. 32.
& Baldus in L. *Emptorem*. C. Locati. n. 7.

603 Si quæras 1. an anno locationis jam
cœpto, ubi locator decessit, & successit
alius, *Conductori sitem*, licet recedere à
locatione, invito locatori; ut, si videtur
parum utilitatis se consecuturum? Respon-
det Barbos. in cit. c. *Querelam* n. 6. quod,
quibus casibus successor stare tenetur loca-
tioni factæ per Antecessorem, vel ab ea
recedere potest; in iisdem etiam Colonus,
seu Conductor stare teneatur, vel recedere
potest; cum non minus onera, quam com-
moda, debeant esse paria. Not. autem,
expensas dici factas in utilitatem Ecclesie, si
conversæ fuerunt in rem perpetuò duratu-
ram, ut not. Barbos. cit. n. 5. ex Mafcardo,
de Probat. conclus. 728.

604 Si quæras 2. an Successor de novo
possit exigere pensionem anticipato solu-
tam Prædecessori, si locationi stare tenetur?
Affirmativam tenet Barbos. p. 3. de officio
& potestate Episcopi, allegat. 94. n. 5. nullam
tamen hujus assert rationem, sed tan-
tum Auctoritatem Gigantis, Card. Tuschi,
& Surdi; & omnino sic dicendum, si Præ-
decessor convertit eam anticipationem *in
commode suum*. Non enim præjudicare
potuit successori pro tempore, quo iste ta-
lem Ecclesiam, aut beneficium non habet;
imo pensionem anticipato accipere non
potuit, nisi verificata suppositione, quod
in ea administratione Ecclesiæ; vel posse-
fessione tempore locationis maneat. Condu-
ctor autem, ne damnum patiatur pro eo,
quod antecessori solvit, regressum apud

eum, vel ejus hæredes habet; aut, si nihil
ad sit, quod recuperet, imputare sibi debet,
quod anticipato pensionem solverit. L. *pro
hæreditariis*. c. de Hæredibus. Notandum
tamen ex Rebuffo de Privilegiis Scholarium,
privil. 26. quod, si beneficiatus locavit fru-
ctus sui beneficii, per triennium, vel minus
tempus, & illius temporis pecuniam anti-
cipato accepit, ut in literarum studio vi-
vere, vel gradum sumere possit, etiamsi
intra hoc tempus decedat, successor in be-
neficio, locationi ab antecessore factæ, stare
teneatur. Quia talis locatio censem facta
in utilitatem Ecclesiæ. Not. 2. Extra casus
à n. 602. exceptos, successorem in benefi-
cio non teneri stare locationi ab antecesso-
re factæ, quando fructus rei locatae semper
pertinent ad eorum utilitatem, prout con-
tingit in habentibus simplex beneficium,
vel Canonicatum Ecclesiæ Cathedralis, vel
Collegiatæ. Abbas c. *ex literis de proba-*
tionib. n. 7.

Si quæras 3. an fructus jurisdictionis 605
Ecclesiastica pro censu annuo locari pos-
sint? 1. licet fructus nascentes ex bonis
Ecclesiasticis, locari possint ad tempus jure
permisum (ut dictum est n. 599.) & hoc
absque vitio Simoniae; cum obventiones
hujusmodi nullam rei spiritualis rationem
habeant, ut rectè notat Vallensis h. t. n. 2.
secus tamen dicendum esse de fructibus,
qui nascentur *ex ipsa jurisdictione Ecclesi-
stica*, si hæc pro pecunia, vel alio tempo-
rali quopiam locentur; sic enim locatio
contineret Simoniam, ut dicitur c. 3. h. t.
& præberetur occasio, ut, dum Sacerdoti-
um annuâ mercede venale exponitur, ad
æternæ retributionis præmium considera-
tio non habeatur, conversis plerumque
curis in recuperationem pretii, pro acqui-
sitione expositi, magno subditorum gra-
vamine, ac pressione; ab illis exigendo
præmium, pro functionibus spiritualibus,
quas tamen (secluso debito justæ sustenta-
tionis) gratis præstare teneatur, per c. *Non
sane*, 14. q. 5. & c. *Non satis* de Simon.

Dices: In Curia Romana pro pecunia 606
quasi venduntur officia Jurisdictionem, &
emolumen tempore habentia, na-
scens ex eorum administratione v.g. *Auditio-
ratus Camerae*. 2. Summus Pontifex postu-
lat *annatas*, id est, integros fructus primi
anni ex Episcopatibus, Prælaturis, aliisque
beneficiis vacantibus, quorum reditus an-
nui 24. aurorum summam non exceedunt;
ergo

ergo licet vendi, ac emi potest jurisdictio Ecclesiastica, habens annexum jus percipiendi fructus temporales. Sed ad 1. solutione constat ex dictis supra: Ad 2. & annatas non solvi *pro ipso titulo beneficij, aut jure percipiendi fructus*. 1. Quia si beneficium uno anno bis, aut sèpibus varet, & diversis conferatur, annata non nisi semel solvuntur. 2. Quia solum exiguntur tanquam pensio, vel subsidium charitativum,

quod etiam Episcopi licet petunt; ac etiam in veteri testamento Sacerdotes licet pendebant, Pontifici solvendo decimas decimarum. Denique Pontifex licet imponit beneficiis pensiones solvendas in alterius gratiam, cur non in commoditatem Cameræ suæ Ministrorum, quibus eget ad Ecclesia Regimen, ut recte observat Doctor Philippus Braun, ad Tit. 4. lib. 5. decretal.



QVÆSTIO V.

IN TITULUM V. DE MAGISTRIS, ET NE ALIQUID EXIGATUR PRO LICENTIA DOCENDI.

607



*P*er Magistros hic intelliguntur ii, quibus incumbit onus docendi, assignato ad hoc aliquo beneficio, loco salarii. Coeterum nomen *Magistro* in iure accipitur pro eo, cui præcipua cura alicuius incumbit, ut dicitur *L. cui præcipua*, scilicet de Verborum significat. Sic, qui *militibus præfet, Magister militum*; qui *Equitibus, Magister equitum* vocari solet, de quibus, V. potest Gorhofred. ad *L. cui præcipua*. Pro cuius intelligentia notandum, jure antiquo in singulis Ecclesiis Cathedralibus constituendum fuisse Magistrum Grammatices, & in Metropolitana Magistrum Theologiae; nunc jure Trid. etiam in Ecclesiis Cathedralibus, si civitas sit insignis, vel populosa; & in Collegiatis, existentibus in oppido aliquo insigni, etiam nullius Diœcesis, si ibi Clerus numerosus fuerit, Theologæ lectorum, eique præbendam deputari debere, quandocumque (excepta causa resignationis, aut cui aliud incompatibile annexum non sit) primò vacabit; aut vacans, ad hunc finem, auctoritate Episcopi constitui possit, impostrum dicenda *præbenda Theologalis*: His addidit Tridentinum sess. 7. de reform. c. 1. ut in Monasteriis quoque Monachorum, ubi commodè fieri potest, habeatur lectio Sacrae Scripturæ, & Abbates, in hoc negligentes, Episcopi locorum, tanquam sedis Apostolicae delegati, opportunis me-

diis ad id compellant. Officium Theologi, in prædictis Ecclesiis sic constituendi, esse, Sacram Scripturam interpretari, & exponere, declaravit Congreg. Synodi apud Joannem Gallemart. n. 16. Fagnan. in c. 4. h. t. n. 29. ac sufficere, si legatur Theologia Scholastica: *Quibus præmissis:*

ARTICULUS I.

De Magistris.

Prima constitutio in c. *quoniam* 1. h. t. 608 habet, ut jam diximus, in qualibet Ecclesia Cathedrali, vel etiam Collegiata, si ad hoc sufficietes redditus habeat, prvidendum esse Magistro de una præbenda, qui *Clericos ejusdem Ecclesie, & pauperes Scholares*, Grammaticam gratis doceat. Sic Alexander III. in cit. c. *quoniam* h. t. ex quo colligitur, quod vi cit. c. 1. talis Magister non teneatur docere gratis alterius Ecclesie Clericos, nisi sint pauperes; hinc à divitibus alterius Ecclesie potest exigere Stipendium, qui pro talibus docendis præbendam non habet, ut patet ex textu in cit. c. *quoniam* ibi, qui *Clericos ejusdem Ecclesie*. Sed notandum, quod ea constitutio Alexandri III. in multis Ecclesiis non observata, denuo sub Innocentio III. (ut dicitur in c. *quia nonnulli*. 4. h. t.) renovata, confirmata, & aucta fuerit, decernendo insuper; ut in Ecclesia Metropolitana etiam Theologæ Magister constitueretur, qui sacerdotes, & alios in sacra pagina doceret, & in his præser-